

Skýrsla svæðisstjóra Ægissvæðis

Ágætu Kiwanisfélagar

Í svæðisstjórn Ægissvæðis 2010-2011 eru Hildisif Björgvinsdóttir svæðisstjóri Sólborg, Bergþór Ingibergsson kjörsvæðisstjóri Eldborg, Dröfn Sveinsdóttir ritari Sólborg, Konráð Konráðsson meðstjórnandi Eldey og Arnar Ingólfsson fráfarandi svæðisstjóri Keili.

Í Ægissvæði er haldin sumarhátíð á hverju sumri og er það kjörsvæðisstjóri sem heldur utan um hátíðina, svo það var mitt fyrsta verk. Hátíðin sem haldin var á Hellishólum tókst vel í alla staði en var heldur fámennari en áður, var það hræðsla við ösku frá Eyjafjallajökli sem olli því. Við sem þarna vorum (64) skemmtum okkur vel og áttum góða helgi saman á öskulausu svæði.

Stjórnarskiptin í svæðinu gengu vel fyrir sig, í öllum klúbbum voru makar með og mikið lagt í stjórnarskiptin. Mér til aðstoðar var Bergþór kjörsvæðisstjóri nema hjá Keili en Keilisfélagar voru með stjórnarskiptin á Flúðum þar sem þeir voru líka að halda upp á 40 ára afmælið sitt, þar naut ég aðstoðar Einars Márs Jóhannessonar.

Í Ægissvæði erum við með fjórar svæðisráðsfundi og nú þegar þetta er ritað höfum við haldið þrjá og verður sá fjórði í september. Haldnir hafa verið fundir í svæðisstjórn fyrir hvern fund þar sem farið er yfir málefnið í svæðinu. Mæting á fundina hefur verið góð og góðar skýrslur hjá forsetum og eru skýrsluskil hjá riturum til fyrirmyndar. Á fyrsta fundinn mætti fræðslunefnd og fór yfir störf ritara, voru félagar mjög ánæðir með það, þar sem fræðslan þótti heldur döpur á þinginu. Á öðrum fundinum komu fulltrúar frá K-dagsnefnd og fræddu okkur um gang mála og frá unglingsklúbbum Bláma sem sagði frá tilurð klúbbsins. Þá var kynning á nýja alheimsverkefninu MNT á þeim þriðja.

Klúbbarnir í svæðinu eru með mörg og mismunandi fjáröflunarverkefni og hefur gengið vel að safna þrátt fyrir erfiðleika í þjóðfélaginu en safnast hafa um 6 milljónir kr. og veitt hefur verið úr styrkjarsjóðum klúbbanna fyrir um 4 milljónir kr., þá eru vinnustundir í svæðinu um 5.000 stundir. Fjölgað hefur í svæðinu þrátt fyrir að við höfum misst 4 féлага og nokkrir verið strokaðir út og eru félagar í Ægissvæði samkvæmt maí skýrslum 268.

Hjálmaafhending í svæðinu gekk vel, misjafnt er hvernig klúbbar standa að afhendingu en ég veit að allir félagar fara glaðir heim eftir afhendingu þar sem gleði og þakklæti barnanna yljár þeim og ekki síður þegar við svo lesum um að hjálmarnir hafi bjargað lífi barnanna.

Allir klúbbarnir tóku þátt í K-degi og unnu klúbbarnir í Reykjanesbæ og Hafnarfirði að því verkefni sameiginlega, mikið kapp var komið í féлага á síðasta svæðisráðsfundi og var komin keppni á milli tveggja klúbba.

Nýr klúbbur Varða var vígður 1. febrúar og eru því klúbbarnir í Ægissvæði orðnir átta, og þá hefur Sólborg gerst móðurklúbbur græðlisgsklúbbsins Dyngju en það er kvennaklúbbur sem vonandi verður vígður fljótlega.

Ég hef heimsótt alla klúbbana í svæðinu og fengið að taka inn nokkra nýja félagu sem alltaf er mjög ánægulegt. Ég er mjög stolt af klúbbunum í Ægissvæði þar er öflugt starf og þeim er vel stjórnað, mikil samvinna á milli klúbba. Að vera svæðisstjóri er eitt af skemmtilegri embættum sem ég hef tekið að mér fyrir hreyfinguna. Ég hef kynnst fullt af skemmtilegum félögum og fengið að taka þátt í vígslu nýs klúbbs. Að lokum vil ég þakka forsetum og riturum fyrir gott samstarf á starfsárinu og eins öllum þeim sem ég hef haft samskipti við, þeim sem taka við óska ég góðs gegnis.

Með Kiwaniskveðju

Hildisif Björgvinsdóttir

Svæðisstjóri Ægissvæðis 2010-2011